

不殺盜邪淫，不妄語兩舌，不惡口綺語，離貪瞋邪見。  
諸善之根本，佛說十善業，人天善所依，三乘聖法立。  
欲樂不可著，散亂多眾苦，依慈住淨戒，修定最為樂。  
調攝於三事，心一境名定。漸離於分別，苦樂次第盡。  
四禪四空處，慈等四無量，佛說諸定法，次第而修習。  
布施多雜染，禪定向獨善，依人向佛道，戒行為宗要。  
心性怯畏者，佛說應修念。繫念佛法僧，戒施天功德。  
如入光明聚，陰暗一時失。  
正念彌勒尊，求生彼淨土，法門最希有，近易普及故。  
見佛時聞法，何憂於退墮？